

鐵嶺縣志卷十八

災異

事足爲害之謂災事不經見之謂異鐵嶺災異遠不可知有清至今幾三百年此三百年中或得之父老傳聞或見之碑碣載記或於近數十年中目睹身經拉雜書此萃於一編謂爲修省之借鏡可謂爲往事之攷證亦可關心民瘼者當知所務矣志災異

鐵嶺縣志卷十八

災異

火災

清雍正十年城內西街大火縣署被焚

地震

乾隆四十年地震電火衝出廬舍傾倒中街關帝廟燬殆非常巨災也
見舊關帝廟碑文

水災

道光二十六年大水東門外可乘船

火災

鐵嶺縣志

卷十八 災異

二

鐵嶺縣立第一工科印

咸豐二年大火東西城樓同燬

以上皆見舊志

土匪之亂

同治四年土匪陷城大股土匪徐占一馬傻子由開原竄入縣境四旗
制兵無備遂破城劫獄積年案牘悉被焚燬知縣易增棄城去居民逃
避一空是年天氣奇寒孩童因避亂有凍斃者

火災

同治六年東關大火延燒民舍一百三十餘家邑詩人魏子亨有大火
行紀其事見九梅邨詩集註

大疫

光緒三年夏大疫死者相望馬蓬溝爲河運碼頭死者尤衆

火災

光緒九年城內西街大火商號十三家同燼

水災

光緒十一年七月大水糧船麇集北門外東抵東山西抵西山

紅崖嘴

汪

洋無際

火災

光緒十五年城內東街大火商號二十一家同燼

大疫

光緒二十一年大疫中日戰後厲氣傳播秋七月遂發生陰霍亂吐洩

鐵嶺縣志

卷十八 災異

三

鐵嶺縣立第一工科印

抽擗傾刻殞命北門外旅店一夜死五人

拳匪之亂

光緒二十六年拳匪肇禍義和拳之初起皆童稚習之面西南閉目誦呪須臾神來附身如醉如癡呼號跳擲索刀杖索飲食自稱神聖識者憂之未幾游民地痞紛然加入或以紅帕蒙首或以黃布繫腰百十成群來去無定六月十一日有李寡婦自稱紅燈照率拳匪多人焚耶穌天主兩教堂午間又焚俄人在境借築之鐵路愚民隨而觀者千人俄軍禦之開槍迎擊斃李寡婦於路側之麥田拳匪死者亦十餘人紛然散去晚間拳匪復麇集於城內之關帝廟設壇聚衆閉南北西各城門僅留東門俄兵又屢欲攻城偵騎四出居民倉卒逃避皆無定所適由

北來新募之游勇五十人過境稱鐵山包

鐵山包乃吉林東山之獵戶精於騎射者

邑防禦博清額挽

留守城遂登城協守俄人亦以兵單勢孤竟棄輜重而去先是邑令楊昌瀚不信其術囚拳匪數人後拳匪來者日衆劫之去並加楊昌瀚以非常凌辱幾遭不測楊驚悸成疾撤省委孟憲彝爲鐵嶺知縣時奉天副都統晉昌仰承京師王大臣意旨信拳匪爲義民改義和拳爲義和團時有縣署轎夫蒙永潛赴省垣勾接瀋陽奸民侯姓楊姓爲大法師來縣建壇設團於是趨者愈衆日呼燒香灑水持刀搜殺稍涉嫌疑即殺人其火其居死者日衆先尙以查教爲名繼則不論其教不教一言不合抄殺隨之政紀紛亂百姓重足而立人人自危秋七月清廷知拳民之不可恃始有勦辦之命知縣孟憲彝督練勇捕之僅斬侯楊二法

鐵嶺縣志

卷十八 災異

四

鐵嶺縣立第一工科印

師餘悉不問

棄城縱獄兵匪焚掠全縣之亂

庚子閏八月知聯軍已陷京師清廷西狩奉天將軍增祺見俄軍日逼遂棄城北去於是駐劄省內之仁育兩軍同時潰散省北各縣之禍實肇於此閏八月初七日鐵嶺知縣孟憲彝開放監獄縱死囚任其所之携其練勇二百人亦棄城避於遼河西獅子峪初十日仁育兩軍之潰勇千百成群大掠而來全縣居民因縣中無主空城逃避任人攫取潰軍未去土匪又來東門外大街南北焚燒二十餘日無人過問有楚人一炬之慨真建邑以來第一巨災也當棄城開獄縱囚時內有多年積匪孟憲廷又稱孟喜亭同在縱中孟出獄後糾其同黨分頭招集不日

即聚有千人以開原界內河套高家船爲巢穴令遼河西各邨屯供應之不從者立予焚掠鄉民之黠者反謬爲恭順求免一時之禍訥者終日閉門妻子對泣不知所出除孟憲廷大股胡匪外其他零星土寇忽聚忽散烤掠焚殺或一日數起或一人屢遭遼河西百數十屯遍地匪跡管帶孟縣令之練勇哨官范聚魁先同逃於獅子峪後知俄人入境並不殺人孟縣令回任因俄人在境禁軍火甚嚴犯則槍殺范聚魁携練勇二百人居於遼河西之黃國棟名村范令該村民夫築壕爲久居計孟憲廷知而惡之而范又不自約束大索金錢所積甚富孟豔之於是年九月二十六日孟以大股悍匪猛撲該村守壕者皆民夫不能禦練勇等恬嬉日久無心應戰壕淺土鬆頃刻立破練勇二百人各鳥獸散

鐵嶺縣志

卷十八 災異

五

鐵嶺縣立第一工科印

民夫死者甚多范僅携數人潰圍出賊跟追不休范狼狽南行於九月二十九日孟憲廷槍殺范聚魁於遼河西之十五間房名村孟憲廷之勢愈張時駐鐵之俄軍日衆俄人亦知孟廷憲爲一方巨匪恐其爲患由俄軍携礮往勦直抵高家船伐林填壕焚其巢穴孟憲廷知不能敵先期遁巢穴已失黨羽星散遂告粗平冬十一月新令榮禧來代

按鐵嶺當有清光緒庚子辛丑之際亦難言矣拳匪爲害殺人如麻其機竟發於一輿臺阜隸之手司肩輿者蒙永赴省城勾接侯楊二人爲法師來鐵設壇蒙永潛爲之主殺人抄家及奉令勦除縱

蒙永使先去僅戮侯楊二人而被害者不盡教民吞聲而已俄軍未至棄城去名城無主逃兵大掠於前土匪羅抉於後十室九空寸縷無遺又復沿街縱火二十日無人過問晝則烟塵蔽日夜則火光直

衝霄漢據事後之調查彼時鐵嶺商務稱爲極盛最著之糧商計四十八戶共焚燬大豆四十四萬石雜糧三十萬石食鹽二十八萬石其雜貨商山貨商綉緞商又五十餘家麻縷絲絮布帛菽粟其損失約值東錢千萬串此外城內及關廂零星商戶約二百家其損失無從估計其開獄縱囚也不問犯之輕重盡釋之孟憲廷本爲多年積匪黨羽甚衆以致河西百數十屯無一片乾淨土哨官范聚魁居於黃國棟其行爲與孟憲廷同疑匪疑兵無從辨別而此百數十屯柴草米糧金錢牛酒恣其意而取之名曰供應供於孟者十之六七供於范者十之三四至其任意焚殺隨時淫掠猶其餘事火災崑岡玉石俱焚鐵嶺元氣盡矣今相去三十年故老猶存前事如昨燔城之

禍當無時忘之也

大疫

光緒二十八年夏大疫是時拳禍剛過兵亂粗平厲氣所積遂流爲大疫患者頃刻死上吐下洩霍亂轉筋時風氣未開不能防止任其傳染無法施治直至八月秋高氣爽始息

百斯篤

宣統二年冬大疫名百斯篤省委鐵嶺縣令徐麟瑞爲北路防疫專員先則挨戶檢查繼則隔斷交通因百斯篤發生滿洲里以致蔓延凡北來者皆含有傳染嫌疑遂在城北二十里之山頭堡設防疫所檢查行人禁止入境又在龍首山慈清祖越二寺設隔離所病者與疑似者悉

入焉防疫員司夫役皆衣白消毒之劑但以石炭酸爲要品殺菌而已並無醫百斯篤之主藥病者不幸而死房屋衣服器物均付焚如疫死之塚亦以石灰壘之葬地在柴河東之油瓶溝攢而叢葬焉並設有焚屍爐以死者屍體用火焚燒方免傳染雖石灰壘塚仍不足恃聞有未死而生理者棺內猶作呻吟聲或傳聞之誤也蓋彼時人民尙不知百斯篤爲害之烈又因隔斷交通於人不便反對甚衆後死者日多或一家而死數人或因一人而傳染數家始有所覺悟焉

雪災

防疫未竣而雪災又來宣統三年元旦大雪連降三日三夜初十日雪十六日雪二十三日又大雪街市積雪高與簷齊往來不通隣里隔絕鐵嶺縣志

卷十八 災異

七

鐵嶺縣立第一工科印

因防疫又隔斷交通無人糞除貧民槁餓牲畜凍斃傳聞百斯篤遇寒彌烈於是死者日多愁慘氣象筆難悉述直至三月後氣候和暖冰雪齊融河水暴發路上行人泥深沒胛曾古今來未有之奇災也而清運遂亦告終

天雨冰

民國三年秋天雨冰夏正九月十四夜陰雨三更後北風起冷甚而零雨不休窗外作金石聲澈夜不絕天明一望四週之城垣樓櫓街市之房櫳樹木電杆電綫凡空中百物無不積冰層疊朝陽掩映朗澈晶瑩如住琉璃世界蓋雨着萬物遇凍而凝雨不止凍亦不止遂層層凝結雖纖微之體被冰粘附竟大至數倍其重量亦隨而驟增數倍故大小

樹木及電竿電綫咸爲層冰累贅無不崩摧而四鄉因遍地凝冰消融匪易農家均不得滌場糧食柴草率多露積盡遭霉爛損失過鉅至今猶傳爲天雨冰云

水災

民國六年七月未雨而柴河大水泛濫潰決水高及丈由開原界之柴河堡澎湃而行所歷沿岸各邨屯幸皆傍山又屬白晝居民於倉卒之中尙可奔避故僅田園廬舍盡遭淹沒及經縣城乃柴水入遼之口奔赴之勢愈急日本鐵路橫貫南北水由東來驟彼橫阻無地宣洩水遂橫溢旋轉縈洄北關西關盡成澤國縣知事陳藝携同紳商一面傭雇漁船及趕造木排拯救一面就城根高處搭蓋席棚並購柴米乾餼以

鐵嶺縣志

卷十八 災異

八

鐵嶺縣立第一工科印

備食宿柴河如此同時汎河亦如此二水進入遼河遼河水勢既增其下游遽行泛溢以致西南兩鄉同被淹沒城內設賑務局災區立臨時粥場暫行分頭勸捐以濟燃眉後據情申請省政府求撥巨款以備將來於是年冬底由省政府令官銀號貸予小洋五萬元作春耕之用秋後歸還月息六厘同時又有上海賑務救濟會施高粱二百石棉衣一千八百件事後或言山崩或言起蛟然北方無蛟殆非常巨災也

水災

民國十八年夏正六月十四日大水遼河糧艘直抵西關未十日又大水糧艘又抵西關七月初十又大水未及月而三成災全境田疇淹沒過半而是時錢法毛荒已甚高粱米每斗售小洋一百一十元山柴每

車售小洋六百元省財政廳規定法價每現大洋一元值小洋六十元
值青黃不接之時而公私交迫其流入恐怖時期矣